


FRAKTION



ZÄIT FIR E WIESSEL.
ZÄIT FIR ENG
ANER POLITIK.

Norden



DIR HUTT ET AN DER HAND!



LÉIF MATBIERGERINNEN A MATBIERGER!

„Mir wëlle jo am Prinzip weiderfueren...“ – Dat soe Vertrieder vu Blo-Rout-Gréng haut schonn. Déi nächste Regierungskoalitioun schéngt 5 Méint virun de Wale schonns gemaach. Ee komescht Demokratieverständnis.

All deenen, déi sech och dorunner stéieren, soe mir: Dir hutt et an der Hand!

All deenen, déi et net gerecht fannen, datt d'Mëttelschicht schonns ab 45.000 Euro Joresverdénsgscht méi ewéi 40% Steiere bezilt, soe mir: Entlaaschtung. Elo. Dir hutt et an der Hand!

All deenen, déi net d'accord sinn, datt zu Lëtzebuerg 18% - dorënner méi wéi 40% Elengerzéier - ënnert der Aarmutsgrenz liewen, soe mir: Méi sozial Ënnerstëtzung. Elo. Dir hutt et an der Hand!

All deenen, déi sech keng Wunneng méi leeschte kënnen, soe mir: Perimeter-Erweiderung ass keen Tabu. Manner héich TVA a manner héijen Enregistrement. Elo. Dir hutt et an der Hand!

All deenen, déi Problemer mat der Gesondheetsversuergung hunn, soe mir: Gesondheetssystem u Wuesstem upassen a Privat-Initiative zouloossen. Elo. Dir hutt et an der Hand!

All deenen, déi beim Klima- an Ëmweltschutz gär eng Hand mat upaken, soe mir: Klimaschutz ouni Willkür. Elo. Dir hutt et an der Hand!

All deenen, déi mat Zäit ukomme wëllen, soe mir: Noutwendeg Infrastrukturen. Elo. Dir hutt et an der Hand!

All deenen, déi fir eng staark ëffentlech Schoul sinn, soe mir: Schoulpolitik vum Mateneen a Reform vum Sproochenunterrecht. Elo. Dir hutt et an der Hand!

All deenen, fir déi d'Wuel vum Kand am Mëttelpunkt steet, soe mir: Qualitéitsofsécherung bei der Kannerbetreung. Fräie Choix fir d'Leit. Elo. Dir hutt et an der Hand!

All deenen, déi sécher a regional Liewens-mëttel wëllen, soe mir: Eng nohalteg an innovativ Landwirtschaft, Gaarden- an Wäibau. Elo. Dir hutt et an der Hand!

Dir hutt et an der Hand! Enger Neioplo vu Blo-Rout-Gréng déi Rout Kaart ze weisen.

Fir eng aner Politik. Fir de Wiessel.

Mat der CSV. Mam Luc Frieden.



MARTINE HANSEN A GILLES ROTH
Co-Présidente vun der CSV-Fraktioun





EESTÄMMEG FIR DE #LUC.

Eise Spätzekandidat.





WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?

Performant Gemenge waren eng vu menge Prioritéiten. An der Chamber an och als Syvicol-President. Dës Suerg huet sech duerch meng ganz Chamber-Aarbecht gezunn. E weidert Uleies waren eis kleng a mëttel Betriber. An och d'Zukunfts-fäegkeet vum ländleche Raum.

WAT SINN ÄR SCHWÉIERPUNKTE FIR DÉI NÄCHST 5 JOER?

Et wäerten déi selwecht Schwéierpunkten a neier Form sinn. Mir müssen eis Gemenge stäerken. Dat Selwecht gëllt fir eis kleng a mëttel Betriber, déi nei Impulser a vill manner Prozedure brauchen. An da geet et drëm, fir de ländleche Raum méi dynamesch ze gestalten.



Emile EICHER



Martine HANSEN



WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?

Als CSV-Fraktioun hu mer eng kritesch-konstruktiv Oppositioun gemaach. Am leschte Joer hate mir 510 parlamentaresch Froen, 17 Debatten, 28 Motiounen, 2 Propositions de loi, 25 Amendementer. Meng Prioritéite waren eng chancegerecht Schoul, eng besser Unerkennung vun eiser Landwirtschaft a gläichwäerteg Liewensbedingungen (vu Gesondheet bis Mobilitéit) iwwerall am Land.

WAT SINN ÄR SCHWÉIERPUNKTE FIR DÉI NÄCHST 5 JOER?

An de nächste Méint ass et een Agrargesetz, wat eis Landwirtschaft nohalteg ofséchert. An en Naturschutzgesetz, wat d'Natur schützt an net d'Leit plot. Doriwwer eraus bleift d'Schoul aktuell. Eis Aart a Weis fir Schoul ze hale muss mat der Zäit goen. An der Landwirtschaft mussen mir op Innovatioun setzen. A mir brauchen iwwerall am Land eng vergläichbar Liewensqualität. Grad an der Santésoffer.

NOLAUSCHTER-TOUR

11. MEE

VU 17 AUER UN
DIKRECH
AFTERWORK
„BEIM LOUIS“

WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?

Meng Uleies ware virun allem eng méi gerecht Finanzéierung vun eise Gemengen. Natierlech sozial Gerechtegkeet allgemeng. Weider en eenheetleche Waasserpräis. An och de ländleche Raum mam véierspueregen Ausbau vun der N7.

WAT SINN ÄR SCHWÉIERPUNKTE FIR DÉI NÄCHST 5 JOER?

Ganz kloer d'Zukunft vun eise Gemengen. Grad vill kleng Gemenge packen et geschwënn net méi. Da brauche mir och eng Mobilitéit, déi iwwerall am ländleche Raum verfügbar ass. Gratis eleng geet net duer. Eng weider Prioritéit ass d'Stärkung vun der Solidaritéit an eiser Gesellschaft. Et soll een ni vergiessen, wou een hierkënnt.



Aly KAES



WÉI GESÄIT ÄRE PERSÉINLECHE BILAN VUN DËSER LEGISLATURPERIOD AUS?

Fir d'éischt ass et den Engagement fir eng performant a gerecht Landesplanung. Grad d'Nordstad muss hei als regionalen Zentrum vum Norde gestärkt ginn. Weider Theme ware fir mech de Klimaschutz a nohalteg Energien. An och d'Ënnerstëtzung vum soziale Secteur.

WAT SINN ÄR SCHWÉIERPUNKTE FIR DÉI NÄCHST 5 JOER?

Eng koherent Landesplanung bleift sécher eng Prioritéit. An d'Wuesstemsfro muss diskutéiert ginn. De ländleche Raum, d'Nohaltegkeet, de Klima- an Ëmweltschutz wäerten nach méi wichteg ginn. An och déi sozial Problemer am Land dierfe mer net aus den Ae verléieren.



Jean-Paul SCHAAF



Christophe HANSEN



WÉI GESÄIT ÄRE PERSÉINLECHE BILAN VUN DËSER LEGISLATURPERIOD AN EUROPA AUS?

D'Drénkwaasser-Direktiv, de Post-Brexit-Accord an och d'Reform vun der Gemeinsamer Agrarpolitik hunn ech erfollegräich am Numm vum Parlament verhandelt. Mee och d'Ënnerstëtzung fir d'Ukrain, déi nohalteg Finanzen an d'Anti-Deforestatiouns-Gesetz sinn a bleiwe meng perséinlech Prioritéiten.

WAT SINN ÄR SCHWÉIERPUNKTE FIR DÉI NÄCHST JOER?

Eng veritabel Energie-Unioun an der EU, lassgeléist vu fossillen Energien aus Drëttlänner a baséierend op erneierbaren Energien a Waasserstoff. Weider Prioritéite sinn d'Liewensmettelsécherheet a Souveränitéit, d'Medikamente-Produktioun an Europa an d'Bäitrettspreparatiounen fir d'Ukrain a Moldawien an d'EU.



WÉI GESÄIT ÄRE PERSÉINLECHE BILAN VUN DËSER LEGISLATURPERIOD AN EUROPA AUS?

Zesumme mat der EVP hunn ech Mënscherechter, Demokratie an de Rechtsstaat verdeedegt. An der EU an iwwerall op der Welt. Och Gender-gläichheet an LGBTIQ-Freedomzone. Säit 1 Joer am Zentrum: Mir stinn ouni Zweifel der Ukrain zur Säit, mat alle Mëttelen, esou laang ewéi néideg. Et geet em d'Fräiheet vun eis all.

WAT SINN ÄR SCHWÉIERPUNKTE FIR DÉI NÄCHST JOER?

Mir wëllen: méi intensiv Verbonnenheet mat den Demokratien op der Welt; aktiv Demokraten a Mënscherechter ënnerstëtzen; méi EU-Autonomie fir dat Weesentlechste: Alimentatioun, Medezin, Energie an och Connectivity; eng seriö EU-Verdeedegung opbauen; méi EU-Zesummewuessen.



Isabel WISELER-LIMA

EIS PROPOSEN AUS DE LESCHTE 5 JOER.

STEIERLECH ENTLAASCHTUNG: MÉI NETTO VUM BRUTTO.

- > Inflationunsberengung vun der Steiertabell
- > Steiergangsbetrag op 15.000 Euro eropsetzen (30.000 Euro fir Steuerklass 1A)
- > Verbreedere vun de Steiertranchen
- > Zousätzlech Steiertranche fir Spëtzeverdénker (vu 500.000 Euro Joresakommes un)

LOGEMENT: ENG WUNNENG FIR JIDDEREEN.

- > Méi bauen: Bauperimeter erweideren
- > Méi séier bauen: manner Bürokratie an Oplagen
- > Méi bëlleg bauen: „Bëllegen Akt“ op 50.000 Euro a Fräibetrag TVA Logement op 100.000 Euro eropsetzen
- > Bezuelbar Suë léinen: Steierplaffong fir Scholdzënse um Eegenheim verduebeln
- > Soziale Wunnengsbau: privat Bauträger mat an d'Boot

WIRTSCHAFT A SOZIALES: LËTZEBUERG MUSS ATTRAKTIV BLEIWEN.

- > Talenter méi geziilt unzéien
- > Steuerlech Ureizer fir nohalteg Investissemente
- > Independante besser ofsécheren





MOBILITÉIT: ENG GLÄICHWÄERTEG OFFER IWWERALL.

- > Öffentlechen Transport am ländleche Raum ausbauen
- > Stroossennetz op wichtige Plazen ausbauen
- > Weider P&R-Parkingge bauen
- > Lued- a Waasserstoff-Infrastrukturen ausbauen



ËMWELTPOLITIK: MAT DE LEIT.

- > Prozedure vereinfachen
- > Méi Fuerschung an Innovatioun
- > Naturschutzgesetz upasse mat manner Willkür
- > Eegenheem-Sanéierung méi staark ënnerstëtzen



SÉCHERHEET: MÉI MËTTELE FIR D'POLICE.

- > Méi Polizisten um Terrain (och an der Gemeng)
- > Vollwäertge „Platzverweis“
- > Méi Videoiwwerwaachung op kriddelege Plazen
- > Bodycam an Taser fir all Polizist am Asaz



GESONDHEET: DE PATIENT AM MËTTELPUNKT.

- > Vergläichbar medezinesch Offer landeswäit
- > Méi ambulant Medezin a méi Teleconsultatiounen
- > IRM an aner Equipementer och a private Praxissen
- > Digitaliséierung am Santés-Beräich virundreiwen



BILDUNG: FIR ENG CHANCEGERECHT ËFFENTLECH SCHOUL.

- > Staark öffentlech Schoulen amplaz Parallel-Welten
- > Sproochenunterricht reforméieren an d'Offer flexibiliséieren
- > Qualitéit vun de Strukture fir Kannerbetreuung ofsécheren
- > Eng richtig Hausaufgabenhëllef an de Maisons relais
- > Ënnerstëtzung fir Elteren, déi hir Kanner selwer betreien



LANDWIRTSCHAFT A WÄIBAU: NOHALTEG AN AM DIALOG.

- > Liewensmittelsécherheet als EU-Hauptzil
- > Keng ideologesch Produktiounsbrems
- > Innovatioun an Alternative besser ënnerstëtzen



EIS PRIORITÉITE FIR DEN NORDEN

- Verbesserung vun der Mobilitéit:
 - Duebelgleisegkeet fir d'Nordstreck
 - Ausbau vun der N7 op 4 Spueren
 - Bau vun den noutwendegen Ëmgeeungsstroossen op der N7 an ëm d'Nordstad
 - Verbesserung vum öffentlechen Transport tëschent den Uertschaften
- Déi medezinesch Versuergung ausbauen a verbessern
- Verstärkt Ënnerstëtzung vun der Landwirtschaft

ÄR CSV-DEPUTÉIERT. FIR ENG ANER POLITIK.



IMPRESSUM

CSV Fraktioun, 13, rue du Rost, L-2447 Luxembourg | www.csv.lu | csv@chd.lu
CSV Generalsekretariat, 4, Rue de l'Eau, L-1449 Luxembourg
Groupe PPE, 60, Rue Wiertz, B-1047 Bruxelles



Traduction
Translation



Übersetzung
Tradução



Le papier ayant servi à l'impression de cette brochure n'a pas été blanchi au chlore (Circle Silk 100% recyclé).